



GRADONAČELNIK

Broj: 07-1123/26

Datum: 25.05.2026.godine

Gradonačelnik na osnovu člana 70. stav (1) i (3) Zakona o javnim nabavkama ("Službeni glasnik BiH", broj: 39/14, 59/22 i 50/24), Budžeta Grada Srebrenik za 2026.godinu („Sužbeni glasnik grada Srebrenik“, broj: 1/26), članova 37. i 139. Statuta Grada Srebrenik ("Službeni glasnik Grada Srebrenik", broj: 1/24), člana 33. stav (1), (3) i (4) te člana 34. Pravilnika o javnim nabavkama Grada Srebrenik ("Službeni glasnik Grada Srebrenik", broj: 7/25), a na preporuku Komisije za javnu nabavku (dalje: Komisija) po Zapisniku o pregledu i ocjeni ponuda (dalje: Zapisnik) broj: 07-1123/26 od 22.05.2026. godine za javnu nabavku nastavka izvođenja radova na izgradnji rezervoara Srebrenik 2x2500m³, faza II, d o n o s i:

ODLUKU O IZBORU PONUĐAČA

I

Prihvata se preporuka Komisije, po Zapisniku broj: 07-1123/26 od 22.05.2026. godine te se Ugovor za **javnu nabavku nastavka izvođenja radova na izgradnji rezervoara Srebrenik 2x2500m³, faza II** u ukupnom iznosu od **205.045,90 KM (cijena bez uračunatog PDV-a)**, odnosno u iznosu od **239.903,70 KM (cijena sa uračunatim PDV-om)** dodjeljuje ponuđaču **"PAPILON" d.o.o. Čelić**, u skladu sa ponudom broj: 15/26 od 11.05.2026. godine.

II

Ova odluka objavit će se na web-stranici www.srebrenik.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

OBRAZLOŽENJE

Odlukom o pokretanju postupka za javnu nabavku nastavka izvođenja radova na izgradnji rezervoara Srebrenik 2x2500m³, faza II, broj: 07-1123/26 od 20.04.2026. godine,



pokrenut je postupak nabavke predmetnih radova. Javna nabavka je provedena putem otvorenog postupka, a kriterij za dodjelu ugovora je najniža cijena. Ukupna procijenjena vrijednost nabavke iznosi 205.045,90 KM (bez PDV-ea).

Obavještenje o nabavci predmetnih radova objavljeno je na Portalu javnih nabavki dana 22.04.2026. godine pod brojem: 761-1-3-42-3-72/26 i sažetak obavještenja o nabavci, objavljen u „Službenom glasniku BiH“ broj: 29/26 dana 24.04.2026.godine. Tenderska dokumentacija objavljena je zajedno sa navedenim obavještenjem.

U krajnjem roku za dostavu ponuda, dostavljene su ponude sljedećih ponuđača:

1. Konzorcij: „JATA GROUP“ d.o.o. Srebrenik i „BALEGEM“ d.o.o. Gradačac, broj ponude: 01-66/26 od 13.05.2026. godine u iznosu od 205.040,90 KM (bez PDV-a)
2. „PAPILON“ d.o.o. Čelić, broj ponude: 15/26 od 11.05.2026. godine u iznosu od 205.045,90 KM (bez PDV-a)
3. Grupa ponuđača: „BAUMAX“ d.o.o. Srebrenik i „TERAKOP“ d.o.o. Živinice, broj ponude: 63/26 od 12.05.2026. godine u iznosu od 205.012,20 KM (bez PDV-a)

Uvidom u dostavljenu ponudu ponuđača **Konzorcij: „JATA GROUP“ d.o.o. Srebrenik i „BALEGEM“ d.o.o. Gradačac**, Komisija je konstatovala da je ponuđač dostavio dvije potvrde o uredno izvršenim radovima. Prva potvrda na str. 73. ponude pod nazivom Zahtjev za izdavanje potvrde o uredno izvršenom ugovoru broj: 01/1-589/2026 od 08.05.2026. godine izdata od strane JP „KOMUNALAC“ d.d. Gradačac odnosi se na uspješno izvršen ugovor „Proširenje vodovodnog sistema (oblast Zelinje) – Izgradnja objekata vodosnadbjevanja“ u ukupnoj vrijednosti od 899.125,05 KM (bez PDV-a). Obzirom da je predmetni ugovor zaključen između JP „KOMUNALAC“ d.d. Gradačac i Konzorcija: JV „BUK PROMET“ d.o.o. Bijeljina i „BALEGEM“ d.o.o. Gradačac, Komisija je putem e-maila podnijela zahtjev JP „KOMUNALAC“ d.d. Gradačac za dostavu predmetnog ugovora kako bi iz istog vidjeli ko je po predmetnom ugovoru osnovni ugovarač konzorcija, jer je u tački 3.4. pod I tenderske dokumentacije kao uslov postavljeno sljedeće: „*Da ima uspješno iskustvo kao osnovnog ugovarača u realizaciji najmanje jednog ugovora...*“. Nakon dostavljanja ugovora, uvidom u isti nesporno se može utvrditi da je osnovni ugovarač po predmetnom ugovoru JV „BUK PROMET“ d.o.o. Bijeljina, a ne „BALEGEM“ d.o.o. Gradačac, tako da ponuđač Konzorcij: „JATA GROUP“ d.o.o. Srebrenik i „BALEGEM“ d.o.o. Gradačac ne ispunjavaju traženi uslov iz tačke 3.4 pod I tenderske dokumentacije.

Druga potvrda o uredno izvršenim radovima na str. 75. ponude, broj 08-1273IL-002/25 od 14.03.2025. godine izdata od strane Vlade Brčko Distrikta, Odjeljenje – Odjel za komunalne poslove odnosi se na uspješno izvršen ugovor „Snadbjevanje vodom naselja Rašljani sa prioritonom napajanja osnovne škole“ u ukupnoj vrijednosti od 1.616.798,28 KM sa PDV-om, od čega vrijednost radova koja se odnosi na rezervoar iznosi 177.994,88 KM bez PDV-a. Navedena vrijednost ne ispunjava uslov iz tačke 3.4. pod I tenderske dokumentacije i to: „...*čiji je iznos najmanje jednak procjenjenoj vrijednosti nabavke bez uračunatog PDV-a.*“.



obzirom da procijenjena vrijednost nabavke iznosi 205.045,90 KM (bez PDV-a).

Zbog navedenog nedostatka ponuda ponuđača **Konzorcij: „JATA GROUP“ d.o.o. Srebrenik i „BALEGEM“ d.o.o. Gradačac** ocjenjena je kao **neprihvatljiva, jer ne ispunjava kriterije za kvalifikaciju privrednog subjekta**, a u skladu sa članom 2 stav (1) tačka 1) alineja 2) Zakona o javnim nabavkama, te se kao takva odbacila.

Uvidom u dostavljenu ponudu ponuđača **Grupa ponuđača: „BAUMAX“ d.o.o. Srebrenik i „TERAKOP“ d.o.o. Živinice**, Komisija je konstatovala da je ponuđač dostavio Potvrdu o uspješno realiziranom ugovoru (str. 27 Ponude) broj: 04-36-1-2053-1933-49/23 od 12.01.2024. godine izdatu od strane Federalnog ministarstva raseljenih osoba i izbjeglica, a odnosi se na uspješno realizovan ugovor čiji je predmet Usluga izvođenja radova na izgradnji višeporodičnog stambenog objekta u gradu Gračanici, podprojekat 021 (16 stambenih jedinica) u vrijednosti od 1.550.212,49 KM sa PDV-om. Potvrda ne sadrži sve elemente tražene u tački 3.4. pod I tenderske dokumentacije, a naročito: „...predmet ugovora (iz kojeg se mora vidjeti vrsta radova) i koji mora da sadrži i strukturu radova...“ Ovako dostavljena potvrda ne ispunjava ni uslov iz tačke 3.4. pod I tenderske dokumentacije i to: „da ima uspješno iskustvo kao osnovnog ugovarača u realizaciji najmanje jednog ugovora čiji su karakter i kompleksnost isti onima koji se odnose na predloženi ugovor...“, a to je u konkretnom slučaju izgradnja rezervoara. Da bi Komisija mogla prihvatiti navedenu potvrdu ponuđač je u zahtjevu za izdavanje potvrde trebao od druge ugovorne strane zahtijevati da mu rasčlani strukturu radova izgradnje stambenog objekta iz koje se može utvrditi je li bilo radova koji su isti kao predmet nabavke i koja je vrijednost tih radova u strukturi izgradnje stambenog objekta. Naime, izgradnja stambenog objekta između ostalog se sastoji od iskopa radova, zidanja zidova koji se mogu zidati betonom, ciglom i sl., kao i ugradnje PVC stolarije, izrade krovova, fasade i ostalih završnih građevinskih radova, tako da Komisija iz dostavljene potvrde nije mogla utvrditi da ponuđač ima iskustvo u izvođenju radova čiji su karakter i kompleksnost isti onima koji se odnose na predmetnu nabavku.

Isti nedostatak uočen je i u Potvrdi na str. 28. ponude, broj: 190/26-04 od 02.02.2026. godine izdatu od strane „TEHNOGRAD-company“ d.o.o. Tuzla čiji se predmet ugovora odnosi na Izvođenje radova na instalacijama vodovoda i kanalizacije SO Elegance u Tuzli u iznosu od 296.373,66 KM (sa uračunatim PDV-om) kao i u Potvrdi na str. 29. ponude, broj: 01-03-167/23 od 12.06.2023. godine izdatu od strane „URBANPOINT“ d.o.o. Tuzla čiji se predmet ugovora odnosi na Izvođenje građevinskih radova na izgradnji stambenog objekta „Tušanj“ u Tuzli u vrijednosti od 352.181,94 KM sa uračunatim PDV-om.

Zbog navedenog nedostatka ponuda ponuđača **Grupa ponuđača: „BAUMAX“ d.o.o. Srebrenik i „TERAKOP“ d.o.o. Živinice** ocjenjena je kao **neprihvatljiva, jer ne ispunjava kriterije za kvalifikaciju privrednog subjekta**, a u skladu sa članom 2 stav (1) tačka 1) alineja 2) Zakona o javnim nabavkama, te se kao takva odbacila.

Komisija je konstatovala da je ponuda ponuđača „PAPILON“ d.o.o. Čelić za javnu nabavku nastavka izvođenja radova na izgradnji rezervoara Srebrenik 2x2500m³, faza II u iznosu od



205.045,90 KM (cijena bez uračunatog PDV-a), odnosno u iznosu od 239.903,70 KM (cijena sa uračunatim PDV-om) ocijenjena kao prihvatljiva pa je predložila i Gradonačelniku prihvatanje ponude, a shodno članu 70. Zakona donošenje Odluke o izboru ponuđača "PAPILON" d.o.o. Čelić za predmetne radove, te po ispunjenju uslova zaključenje ugovora u naprijed navedenom iznosu sa imenovanim ponuđačem.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Prilikom donošenja ove Odluke posebno su cijenjenje činjenice da je Komisija pravilno i potpuno izvršila ocjenu kvalifikovanosti ponuđača i ocjenu prispjelih ponuda izvršila u skladu sa kriterijima iz tenderske dokumentacije, Zakonom o javnim nabavkama i podzakonskim aktima.

Iz navedenih razloga, uzimajući u obzir i primjenjujući iznad istaknute članove pozitivne zakonske regulative iz oblasti javnih nabavki odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članovima 97., 99. i 101. Zakona o javnim nabavkama. Žalba se podnosi u dovoljnom broju primjeraka, a koji ne može biti manji od tri.



GRADONAČELNIK

Adnan Bjelić

Dostavljeno:

1. Ponuđaču 3x,
2. Službi za poduzetništvo, lokalni razvoj i investicije
3. Evidenciji
4. Budžetu
5. Arhivi

